

[*en marge*] Parochialis sanctae Mariae Pigiolae [*sic*]

Die 30 iunii 1686.

Praefatus dominus visitator (etc.) visitavit ecclesiam parochialem sub invocatione sanctae Mariae de Pigiola [*sic*], cuius ad praesens est rector admodum reverendus Carolus Ioannis de Pancratiis, quam assequutus fuit decem et octo circiter abhinc mensibus in curia romana ex gratia, percipiens in annuo reddito libras septemcentum monetae Genuae cum onere pensionis annuae reservatae ad favorem personae nominandae, consistunt redditus in decimis, primitiis et oblationibus et in aliis proventibus bonorum stabilium ecclesiae.

Visitavit sanctissimum sacramentum, quod invenit asservari in pyxide ex auricalco cum cuppa argentea in totum deaurata, conopaeo albi coloris instructa, cum cruce in eius summitate, et est ad formam atque inservit pro adoratione et communionibus generalibus.

Visitavit aliam pyxidem parvam ex auricalco cum cuppa argentea et cruce in eius summitate in totum deaurata, cum bursa serica et cordulis unde [339r] appendatur ad collum sacerdotis dum inservit pro asportando sanctissimo viatico ad infirmos.

Visitavit ostensorium ex auricalco in totum deaurato cum suo vitro et imagine Redemptoris in summitate, quod inservit pro expositione et asportatione sanctissimi in processionibus.

Pluviale non adest, ideo mandavit de eo saltem infra annum provideri.

Vidit baldachinum rubei coloris atque umbellam pro deferendo sanctissimo, et mandavit umbellam readaptari et in eius summitate crucem apponi.

Velum humerale est sericum et incarnati coloris ad formam.

Thurribulum cum eius navicula ex auricalco est ad formam.

Lampas ante ipsum sanctissimum sacramentum pariter est ad formam, continuo ardens ex impensis communitatis, quae etiam providet de caereis pro deferendo sanctissimo, pro quo deferendo vidit etiam duas lanternas magnas ad formam.

Dictum sanctissimum sacramentum asservatur ad altare maius in tabernaculo ligneo in totum deaurato, conopaeis rubei coloris uno et albi altero instructo, cum imagine Christi resurgentis in eius summitate atque etiam munito ser<r>a secreta et clave ad formam. Supra dictum tabernaculum pendet baldachinum tolerabiliter ad formam.

Visitavit fontem baptismalem, cuius vas est marmoreum , ciborium vero ligneum, munitum ser<r>a secreta et clave quae detinetur paenes dominum rectorem, sed quia invenit

conopaeum lacerum et fractum mandavit de altero saltem infra annum provideri, sicut etiam mandavit supra dictum fontem apponi umbellam seu baldachinum et in eodem apponi imaginem sancti Ioannis Baptistae Christum [339v] baptizantis; pariter mandavit circum circa sepi cancellis ligneis. Invenit tamen de vasibus argenteis oleorum chrismatis et cathecumenorum et de cochleari stanneo ad formam provisum.

Visitavit oleum infirmorum in vase argenteo, quod mandavit in posterum asservari in fenestrula conficienda in pariete prope altare maius in cornu evangelii, quae vestiatur intus panno violacei coloris et muniatur ser<r>a secreta et clave quae detineatur paenes dominum rectorem, et foris inscribatur litteris maiusculis *Oleum infirmorum*. Sacrarium non adest, ideo mandavit saltem infra mensem fieri prope fontem baptismalem intra cancellos ligneos, quod muniatur ser<r>a secreta et clave detinenda paenes parochum vel rectorem.

Visitavit altare maius, quod manutinetur a communitate, nullum habens redditum nec onus, et est sufficienter provisum de necessariis ad celebrationem missae, et de candelis pro missis celebrandis providetur a quodam consortio mulierum in hac ecclesia erecto auctoritate ordinarii, et gubernatur a domino rectore sub quibusdam regulis approbatis, et habent dictae mulieres suas officiales, cuius caput vocatur priora, penes quam detinetur massa pecuniaria constituta ex quibusdam contributionibus annuis dictarum mulierum, quae inservit pro providendis sororibus defunctis de libris octo caerae in earum depositione atque pro missis celebrandis; dictae officiales renovantur singulis annis et tunc temporis computa redduntur coram domino rectore et novis officialibus.

[340r] Visitavit altare sub titulo Purgatorii manutentum a communitate absque ullo reddito et onere, et est tolerabiliter provisum de necessariis ad celebrationem missae quae in eo solet aliquando celebrare. Icon adest ad formam.

Visitavit altare cum capella noviter erecta et adhuc expoliatum et nudum et dumtaxat provisum de icone deterioris formae sub invocatione sancti Rocchi, quod pariter manutinetur a communitate.

Doctrina christiana docetur singulis diebus dominicis per dominum rectorem inter missarum solemnium.

Nuptiae non benedicuntur, ideo mandavit in posterum benedici ad formam missalis romani, quod si sponsi negligentes fuerint in petenda benedictione contra eos poenam statuendam.

Procuratores ecclesiae renovantur singulis annis et computa tunc temporis redduntur coram domino rectore et novis procuratoribus.

Visitavit suppellectilia sacra et invenit sufficientia, mandavit tamen casulam violacei coloris quae est in aliqua parte fracta resarciri. Dicta suppellectilia asservantur in choro in scamno ut [*sic*] etiam in capsula munitis ser<r>a secreta et clave quae detinetur paenes dominum rectorem, mandavit tamen provideri de casula violacei coloris saltem infra annum.

Corpus ecclesiae est dealbatum et ad formam, sicut etiam sunt eius fores, munitae secretis ser<r>is et clavibus quae detinentur paenes dominum parochum.

Visitavit sedem confessionalem et invenit ad formam, mandavit tamen apponi summarium bullae Coenae. Vidit etiam pulpitem ad formam, in quo solet tempore quadragesimali haberi ad populum et etiam aliis solemnioribus diebus per annum.

[340v] Visitavit etiam quinque monumenta sepulchralia manutenta a communitate, ex quibus unum est pro parvulis sepeliendis et duo sunt pro foeminis et caetera pro viris.

Visitavit campanas, quae sunt ad formam, sed quia non adest campanile, ideo mandavit saltem infra [*il manque un mot*] aedificari et in eo dictas campanas collocari.

Visitavit oratorium sub invocatione sancti Pancratii manutentum a confraternitate laicali et situm prope ecclesiam p[ar]ochialem. Dicta confraternitas est erecta auctoritate ordinarii et inservit sub quibusdam capitulis ab eodem approbatis, et confratres induunt cappas albas et habent officiales, cuius caput dicitur prior, qui renovantur per semestrem, excepto massario qui durat ad annum, tunc temporis dictum fuit computa reddi coram domino rectore et novis officialibus. Habent massam pecuniariam constitutam ex contributionibus annuis dictorum fratrum et solent provideri de libris octo caerae confratres defunctos, quos etiam associantur sepeliendos processionaliter cum cappis.

Visitavit altare pariter manutentum ab eadem confraternitate, et est provisum tolerabiliter de icone et de requisitis ad celebrationem missae quae in eo solet aliquando celebrari de licentia parochi; et suppellectilia sacra tunc temporis asportantur ex ecclesia parochiali.

Corpus oratorii est tolerabilis formae, sicut etiam sunt eiusdem fores, munitae ser<r>a secreta et clave quae detinetur paenes priorem.

[*en marge*] Oratorium beatae Virginis Annunziatae

Visitavit oratorium sub invocatione beatae Virginis Annunziatae situm in loco Porioli [*lire* Porcili] intra limites parochiae [341r] sanctae Mariae praedictae, quod manuteneretur a communitate, et in eo visitavit altare nullum habens redditum nec onus, et est sufficienter provisum de icone cum ornamento ad formam et etiam de caeteris requis[i]tis ad celebrationem missae quae in eo solet frequenter celebrari in diebus ferialibus.

Suppellectilia sacra asservantur in scamno munito secreta ser<r>a et clave quae detinetur paenes dominum rectorem, et sunt sufficientia.

Corpus oratorii est dealbatum, tolerabilis formae, sicut etiam sunt eiusdem fores, munitae ser<r>a secreta et clave quae detinetur paenes rectorem; et in eo adest sedes confessionalis ad formam.

Adest (etiam) parvum campanile supra ecclesiam, in quo est collocata campanula ad formam.

Visitavit libros parochiales et mandavit totaliter servari formulam ritualis romani. Vidit librum de statu animarum, et est ad formam. Animae huius parochiae sunt in totum trescentum et quatuordecim, ex quibus communicantur bis centum et triginta, et omnes paruerunt praecepto ecclesiae, et ut certo certius sciatur an omnes communicaverint mandavit in posterum distribui singulis schedulas et eas priusquam tempus paschale terminetur recolligi.

Visitavit aedes canonicales et vidit satis sufficientes, sed quia invenit murum dictarum aedium in aliqua parte collabentem, ideo mandavit resarciri sumptibus communitatis infra sex menses.

In hac parochia adest unus reverendus, scilicet Ioannes Marcus, qui ut attestatum fuit per dominum rectorem est bonae vitae et inservit ecclesiae.